

Nyob Zoo Elk Grove Unified Cov Tibneeg Ua Haujlwm, Tub Ntxhais Kawm Ntawv thiab Tsevneeg,

Lub homphiaj ntawm qhov kev sis txuas lus no yog los qhia kom meej thiab kom tsi txhob muaj kev nkag siab yuam kev txog tsab email uas tau muab xa tawm naghmo. Peb txaus siab heev rau nej tej (feedback) uas tau teb rov qab tuaj thiab peb vam thiab cia siab hais tias qhov kev sis txuas lus no yuav qhia tau meej txog 3 yam tseem ceeb li nram no:

1. Daim ntawm sojntsuam rau niamtxiv seb nyiam kom kawm ntawv licas thiab vim licas thiaj li yuav tsum tau ua
2. Peb cov qauv kawm ntawv (models) thiab kev uas tsim kho cov kev kawm
3. Kauj ruam tom ntej rau cov niamtxiv

Daim Ntawv Sojntsuam Rau Niamtxiv Seb Nyiam Kom Kawm Ntawv Licas

Daim ntawv sojntsuam no qhia rau peb txog tej tseemcee uas cov niamtxiv nyiam thiab xav kom ua ntsig txog kev kawm ntawv tsi hais nyob pem tsev lossis thaum rov qab tuaj kawm ntawm pem tsev kawm ntawv. Daim ntawv sojntsuam no tsi tau muab kiag tsevneeg tso kom ua ib qhov nkaus xwb. Daim ntawv sojntsuam rau niamtxiv no twb muab xa ua zaum kawg rau cov tsevneeg uas yeej tseem tsi tau teb rov qab tuaj thiab peb xa thov kom nej yuav tsum tau muab ua kom tiav. Peb zoo siab rau cov tsevneeg uas twb muab daim ntawv sojntsuam no ua tiav lawm. 60 feem pua uas tau teb rovqab tuaj no yeej zoo kawg li lawm.

Cov Qauv Rau Kev Kawm Ntawv

Qhov uas peb xub xub hais uas yog “Hybrid Model” qhov no kuj muaj kev tsimmkho ntxiv rau kev kawm uas tamsim no peb muab hu ua “Transitional Model”. Lub tswvyim ntawm Transitional Model yog kom txav tawm ntawm qhov uas peb ua tas los no thaum lub caij nplooj ntoo hlav (spring) ntawd mus rau qhov uas yuav rov qab nkag tau mus kawm rau pem cov tsev kawm ntawv. Qhov Transitional Model no twb muab coj los rau cov Tsavxwm saib lawm, tiamsis tseem tsi tau yog kev txiav txim siab kawg rau thiab vim peb tseem tabtom saib thiab xav tau kev pab tawm tswvyim los ntawm cov Tsavxwm thiab lub zej zos. Kev txhim kho tseem yuav tau ua ntxiv thiab mam li qhia rau cov niamtxiv thiab cov tibneeg ua haujlwm paub uantej kev txiav txim siab thaum kawg los ntawm cov tsevneeg. Cov teams los yeej tseem ua haujlwm los txhim kho rau kev kawm ntawv pem tsev thiab. Nram qab no yog kev qhia luv luv txog tej uas yuav muaj rau lwm xyoo. Tseem yuav muaj kev qhia ntxiv tomqab qhov no thiab.

○ Transitional Model

- Yog muaj los ntawm lub tsev kawm ntawv uas nws cuv npe kawm rau, qhov program no yuav muab ob qhov kev kawm uas yog tuaj kawm pem tsev kawm ntawv uas tsuas muaj li 20 tus tub ntxhais lossis tsawg dua kawm nyob rau hauv ib hoob xwb, thiab tseem muaj kev kawm ntawv pem tsev thiab. Lwm yam kev kawm ntxiv uas muaj yuav tsum yog los ntawm lub tsev kawm ntawv uas nws tau cuv npe kawm xwb.

○ Distance Learning (Kev Kawm Ntawv Pem Tsev)

- Yog muaj los ntawm lub tsev kawm ntawv uas nws cuv npe kawm rau, qhov program no muab tus tub ntxhais mus kawm rau txhua tus xibfwb thiab nrog cov tibneeg ua haujlwm uas nws yuav tsum tau muaj, uas tus tub ntxhais thiab cov xibfwb ntawd lawv kev sis txuas tau yog los ntawm kev siv computer los qhia ntawv thiab muab kaw ua

video qhia rau lawv xwb. Lwm yam kev kawm ntxiv uas muaj yuav tsum yog los ntawm lub tsev kawm ntawv uas nws tau cuv npe kawm xwb.

○ **Independent Study (Kev Kawm Ntawv Uas Yog Npaj Rau Nws Kawm Xwb)**

- Muaj los ntawm Las Flores High School thiab Elk Grove USD (K-8) Virtual Academy, qhov program no muab tus tub ntxhais ntawd cob rau ib tus xibfwb uas nws yuav yog tus tsim ib qhov kev kawm rau tus tub ntxhais ntawd kom nws yuav kawm ncav cuag nws tej homphiaj thiab yuav yog tus saibxyuas tus tub ntxhais ntawd kev kawm.

○ **Elk Grove Charter School**

- Qib 7-12 kev kawm rau nws tus kheej uas muaj cov kev kawm tsi hais kawm hauv lub hoob, independent study thiab kawm lwm yam ntxiv (dual enrollment).

Cov Kauj Ruam Tom Ntej Rau Cov Niamtxiv

1. Daim ntawv sojntsuam rau niamtxiv seb nyiam kom kawm licas twb muab xa ua zaum kawg rau cov tsevneeg uas yeej tseem tsi tau teb rov qab tuaj. Thov muab ua kom tiav.
2. Thov soj qab saib ntxiv txog tej kev qhia yuav los tom ntej no. Lub sijhawm uas peb nkag los mus rau lub Xya Hli no koj yuav tau txais kev qhia ntxiv thiab qhia txog seb koj yuav xaiv licas thiab yuav tsum tau xaiv uantej lub sijhawm twg rau koj tus menyuum kev kawm ntawv.
3. Pab ua koj feem los tiv thaiv kom tsi txhob sis kis tus kabmob COVID-19 nyob rau hauv peb lub zej zos. Peb qhia txog peb lub zeem muag uas xav kom peb rovqab qhib peb cov tsev kawm ntawv puv ntoob li yav tas los thiab kom peb cov menyuum rovqab tuaj kawm ntawv nrog peb mus ntxiv rau yav tom ntej.

Uake no, peb yuav los nrhiav tau txoj hauv kev uas zoo tshaj los daws tej teebmeem uas muaj, yuav ua tau zoo ntev ntev mus tom ntej rau peb kev npaj kev kawm ntawv zoo thiab tej kev pab rau peb txhua tus tub ntxhais kawm ntawv.

Vam thiab cia siab nej yuav so zoo thiab yuav muaj kev thaj yeeb nyab xeeb rau thaum lub Xya Hli hnuv tim 4 no.

- EGUSD Cov Thawj Coj